

las omnes sigillaverit, in banc solam non est ausus manum mittere, quia sua illam Brevitas defendebat. Quotidiana, ajunt, eandem complecti, nec quicquam habere, quod ædificare nos possit. Quasi vero non & in aliis Epistolis humana imbecillitatis exempla proferrentur, invenirenturque passim remissius & quotidiana sermone dictata. Qui vero Epistolam simplicitatis arguunt, suam videntur imperitiam prodere, non intelligentes, quid in singulis sermonibus virtutis & sapientia lateat. Quæ nimirum suo infra loca à nobis signabuntur. Parva sunt, inquit, superflua sunt, pro uno nempe Viro conscripta. Urinam vero, inquit Chrysostomus, non defuisset, qui nobis Apostolorum Historiam diligentissime traderet, non tantum quid scripserint, quidque locuti sint, sed ut sese per omnem vitam habuerint, quid & quando comederint, quando sederint, & in quibus partibus vixerint, quam introierint domum, quo navigaverint, ubinam applicuerint, atque omnia diligenter exponeret, adeo illorum omnia maxima utilitate referta sunt. Qui post excellentes Epistolæ doctrinas: nihil, quantumcunque vile videatur, negligendum esse; de nullius hominis salute desperandum; Servos à Dominis prætextu Religionis non abstrahendos; non esse despiciendos servos frugi & virtute insignes, aliasque subjungit. Postremo ne quid desit, quod ad confirmandam Epistolæ Autoritatem faciat, eandem à cunctis in toto orbe Ecclesiis fuisse susceptam, disertis verbis Hieronymus profitetur.

§. 6. De Philemone hæc produnt Antiqui. Ambrosius, vel quisquis is est, qui sub hoc nomine latet, in Præfatione: Philemon nulla erat Ecclesiastica Ordinationis præditus dignitate, sed Vir laudabilis, unus ex pl. be. CHRYSOSTOMUS in argumento Epistolæ: Erat Vir fidelis ac nobilis. Addit virtutes ejus ex eo elucere, quod tota domus ipsius Ecclesiæ titulo nobilitetur, & quoddam quasi fuerit Sanctorum diversorium. Theodoretus in Argumento: Philemon erat ex numero eorum, qui crediderant. Theophylactus: Ab ipso principio conspicuus erat Vir & admirandus, genere sane Phryx, fidelis autem vita & moribus & necessitatibus Sanctorum succurrens, & elemosynas faciens. Quæ & Oecumenius repetit, præfatus ne-
scio